



Asocijacija arhitekata u Bosni i Hercegovini
07.07.2011.

Izložba "Restart - Arhitektura Bosne i Hercegovine 1995 - 2010" u Barceloni 14. jula 2011.

Nakon što je bila prikazana u Sarajevu u decembru 2010., zatim u Beogradu u maju 2011. na 6. beogradskoj internacionalnoj nedjelji arhitekture (BINA), izložba sada putuje u Barcelonu. Radi se prvom projektu takve vrste u posljednjih 15 godina koji predstavlja pisani trag o tome šta se ustvari dešavalo s arhitekturom i arhitektima o tom periodu u Bosni i Hercegovini.



Izložba predstavlja dio projekta "RESTART - Arhitektura u Bosni i Hercegovini 1995-2010" u okviru kojeg je i objavljena istoimena knjiga, u organizaciji Asocijacije arhitekata u Bosni i Hercegovini (AABiH).

Projekt obuhvata 115 radova iz raznih oblasti arhitekture, autora iz cijele BiH koji su odabrani između 380 prijavljenih radova. Ulogu selektora Organizacioni odbor AABiH povjerio je Hansu Ibelingsu, svjetski poznatom historičaru i kritičaru arhitekture, koji je jedan od osnivača i glavni urednik uglednog

arhitektonskog magazina "A10 new European architecture" s referencama u internacionalnim kulturnim i umjetničkim krugovima.

Radi se prvom projektu takve vrste u posljednjih 15 godina koji predstavlja pisani trag o tome šta se ustvari dešavalo s arhitekturom i arhitektima o tom periodu odnosno šta se dešavalo s društvom jer je arhitektura odraz stanja u društvu.

Izborom internacionalnog selektora, koji je dao teorijsko-analitički osvrt na recentnu arhitekturu u BiH, promovira se međunarodni značaj arhitektonskog iskaza u BiH i preispituju dosezi i pozicija domaće arhitektonske scene u odnosu na savremeni evropski arhitektonski prostor.

Nakon što je bila prikazana u Sarajevu u decembru 2010., zatim u Beogradu u maju 2011. na 6. beogradskoj internacionalnoj nedjelji arhitekture (BINA),

izložba sada putuje u Barcelonu. Otvorenje izložbe je 14. jula u Zgradi Kolegija Arhitekata Katalunje i biće otvorena do 3. septembra. Ulaz je besplatan.

Osim predstavnika Kolegija Arhitekata Katalunje, te brojnih prijatelja Bosne i Hercegovine u Barceloni, otvorenju izložbe će prisustvovati predsjednica UO AABiH Alma Sadović.

Dizajn postavke izložbe radi grupa arhitekata FILTER, a podršku u organizaciji izložbe u Barceloni DzAA Arquitectos i SalaFerušić.

Nakon Barcelone, izložba bi trebala nastaviti putovati u ostale evropske gradove.